

Alte Testament.

gleich verdrossen ist zu lesen vnd zu hören? Antwort Mose schreibt/ wie sichs treibt Das sein Buch ein bild vnd Exempel ist des Regiments vnd Lebens. Denn also gehet es zu/ wenn es im schwang gehet/ das jtz dis werck/jtz jenes gethan sein mus. Vnd kein Mensch sein Leben also fassen mag (so es anders Göttlich sein sol) das er diesen tag eitel geistlich / den andern eitel weltlich Besetze vbe / Sondern Gott regiert also alle Besetze vnternander/wie die Stern am Dimel/ vnd die Blumen auff dem Felde stehen/ Das der Mensch mus alle stunde zum jglichen bereit sein/ vnd thun welchs jm am ersten fur die hand kompt/Also ist Mose Buch auch vnternander gemenget.

Bilde etns Regiments so im schwang gehet.

Das er aber so fast treibt vnd oft einerley widerholet / Da ist auch seines Ampts art angezeigt. Denn wer ein Besetznock regieren sol/der mus jmer anhalten/jmer treiben/ vnd sich mit dem Volck/ wie mit Eseln/ blewen / Denn kein Besetzwerck gehet mit lust vnd liebe abe/es ist alles erzwungen vnd abgenötiget. Weil nu Mose ein Besetzlerer ist/ mus er mit seinem treiben anzeigen / wie Besetzwerck gezwungen werck sind/ vnd das Volck müde machen/ Bis es durch solch treiben erkenne seine Franckheit vnd vnlust zu Gottes gesetz/vnd nach der Gnade trachte/wie folget.

Warumb Moses einerley Gesetz so oft widerholet.

Gesetz werck sind gezwungen werck.

Auffs dritte/ Ist das die rechte meinung Mose/ Das er durchs Gesetz die sünde de offenbare vnd alle vermessenheit menschlichs vermögens zuschanden mache. Denn da her nennet in S. Paulus Gal. ij. einen Aemptman der sünde vnd sein Aempt ein ampt des Todes ij. Cor. iij. Vnd Rom. iij. vnd vij. spricht er / Durchs Besetze kome nicht mehr denn erkenntnis der sünde. Vnd Rom. iij. Durchs Besetzs werck wird niemand from fur Gott. Denn Mose kan durchs Gesetz nicht mehr thun/ weder anzeigen was man thun vnd lassen sol. Aber krafft vnd vermügen solches zu thun vnd zu lassen/gibt er nicht/vnd leßt vns also in der sünde stecken.

Gesetz offenbare die sünde.

Moses ampt.

Gal. 2.
2. Corin. 3
Rom. 3.7

Wenn wir denn in der sünde stecken/so dringet der Tod also bald auff vns/ als eine rache vnd straffe vber die sünde. Da her nennet S. Paulus die Sünde/des Todes stachel/ Das der Tod durch die sünde alle sein Recht vnd macht an vns hat. Aber wo das Besetze nicht were/ so were auch keine sünde. Darumb ist alles Mose ampts schuld/der reget vnd rüget die sünde durchs Besetze/so folget der Tod auff die sünde mit gewalt. Das Mose ampt billich vnd recht ein ampt der sünde vnd des todes von S. Paulo genennet wird / Denn er bringet nichts auff vns durch sein Besetz geben/denn sünde vnd tod.

1. Cor. 15.

Aber doch ist solch Sündeampt vnd Todampt gut / vnd fast von nöten/ Denn wo Gottes gesetz nicht ist/da ist alle menschliche Vernunft so blind/das sie die sünde nicht mag erkennen. Denn kein menschlich Vernunft weis/das vnglaube vnd an Gott verzweueln sünde sey/ Ja sie weis nichts danon / das man Gott glauben vnd trawen sol/Geht also da hin in jrer blindheit verstockt/vnd fület solche sünde nimer mehr. Thut dieweil sonst etwa gute werck/vnd füret ein eusserlich erbars Leben. Da meinet sie denn/ sie stehe wol/ vnd sey der sachen gnung geschehen. Wie wir sehen in den Weiden vnd Weuchlern / wenn sie auff jr bestes leben. Item/so weis sie auch nicht/das böse neigung des fleischs / vnd hass wider die Feinde/sünde sey/sondern weil sie sibet vnd fület/ das alle Menschen so geschickt sind/ achtet sie solchs fur natürlich vnd recht gut ding/Vnd meinet/ es sey gnug/ wenn man nur eusserlich den wercken wehret. Also gehet sie da hin/ vnd achtet jre Franckheit fur stercke/jre sünde fur recht/jr böses fur gut/vnd kan nicht weiter.

Sündeampt.
Mose ist nutz vnd gut.
Verstockte Blindheit menschlicher vernunft etc.

S Jhe/diese blindheit vnd verstockte vermessenheit zu vertreiben/ist Mose ampt not. Nu kan er sie nicht vertreiben / er mus sie offenbaren vnd zu erkennen geben. Das thut er durchs Gesetz/da er leret/ Man solle Gott fürchten/trawen/ glauben vnd lieben. Dazu keine böse lust noch hass zu einigem Menschen tragen oder haben. Wenn nu die Natur solchs recht höret / so mus sie erschrecken / Denn sie befindet gewis/ weder trawen noch glauben/weder furcht noch liebe zu Gott. Item weder liebe noch reinigkeit gegen dem Nehesten/ Sondern eitel vnglauben/zweueln/verachtung vnd hass zu Gott/vnd eitel bösen willen vnd lust zum Nehesten. Wenn sie aber solchs findet/ so ist der Tod also bald fur augen/ der solchen Sünden fressen/vnd in die Helle wil verschlingen.

Moses ampt ist not vnd nutz etc.

Lere des Gesetzes

S Jhe/ Das heisst den Tod durch die Sünde auff vns dringen/vnd durch die sünde vns tödten. Das heisst durch das Gesetz die sünde regen / vnd fur die augen setzen/ vnd alle vnser vermessenheit in ein verzagen/vnd zittern vnd verzweueln treiben

Sünde des Todes stachel/Gesetz der sünde krafft

neln treib